Universal Declaration of Human Rights - Susu

© 1996 – 2009 The Office of the High Commissioner for Human Rights

This HTML version prepared by the *UDHR in Unicode* project, http://www.unicode.org/udhr.

ADAMA XAFE RAFALE SARIYEE DENTEGE

[Preamble]

A kolon fera, ibunadama xa lasiriya nun axa adamaya xafe rafale non findixi yeteralui tigitigira, a bara masen won be, a tinxinyi nun bone sa bara senbe soto dunuya birin kui.

A kolon fera, adamaya xafe sariyee mu mabanbanxi han to i bunadama yira, nafe nanine xi funmalaya, gere, gbaloe nun misikine ya mu nonma. Kono xabirin bara na sariyee ratinme, gbaloe nonmane, gere non, funmalaya nun misikine ya non. I bunadamaya bara rasabati nate mui.

A kolon fera, adamaya xafe rafale sariyee rasabatife findixi fe fanyi nan na, alanma ibunadamaya xun xa magaga mange sanyi sariyela yira.

A kolon fera, a namanse xa xanunteya senbe sofe e bore tagi, sugandi fanyi nara.

A kolon fera, a O.N.U. xa masenyi, i bunadamaya sariyee tigitigi rasabati fe findixi xaxili fanyi nan na, alanmane: gine nun xame xa suxu laxale keren, a xa masen e be, pama xa yiriwe senbeteyafe sabui gbegbe lanxi e tan ma.

A kolon fera a pamanse naxe birin manaxi O.N.U. kui e bara nsts tongo adamaya xafe rafals sariyse ratinms fera, na niys mans ibunadamaya xa mabanban.

A kolon fera a birin lanmafe nara yi sariyee nun yi yetera lui tide gbofe, na nomane a niyede layidi ratinme.

Malanyi xungbe bara amasen

pamanse xa yi masenyi adamadi suxukima pama nun pamanse birin yira alako a lufera xun dse birin sondonyi ma xaranyinun lonni sabura, na binye nun sariyee rasabatifera pamane kui nun a farima.

Sariye singe (1)

Adamadie birin barixine e lan yeteralui kui, yete kolonyi nun yete suxu kima. Fondoe nun faxamui na e be boresuxu kima bariboreya fanyi kui.

Sariye firinde (2)

Kankan noma a tukude yi sariyee ra, ana dangi nara fisamanteya yo man mu luma mixi be akelide sabura, axa boxi rapereki sabura yegeti keren mu naxan kui a sipoxoya kima, fate pingi kima, a xui kima, a fere kima, a dine kima na sa fatan pamanee ra xanamu pama ndee ra, fere kima xanamu kigbete nana sa fatan dedera kono naxan noe nde bun xanamu dansaxi naxan xa yeteralui ma.

Sariye saxande (3)

Baloe wayibiya birin bε, marafulunyi nun xaxilisa.

Sariye naninde (4)

Ndende mulan alu konyiya nun paxankate kui. Konyiya nun ibunadama sare bara raton akepa birin ma.

Sariye sulinde (5)

Naxankate nun tore mu sama ndende fari. Xanamu yayixare naxan mulan ibunadama be.

Sariye senninde (6)

Kankan xa adamaya daxa axa kolon yire birin.

Sariyɛ soloferende (7)

Adamadi birin lan sariyee kui e man birin lan e xun xa magaga sariyee yi kena keren.

Sariye solomasaxande (8)

Booxi sariye banxidee lan eka ibunadama keren keren ma xun magaga fee ma naxe bara tuxunsan.

Sariyɛ solomananinde (9)

Ndende mulan a suxu təpɛgɛ kui, amakankan xanamu bəxi ma xandi ama.

Sariye funde (10)

Awayibiyaxi ibunadama xafe xa yaxandi alaxinera, alankenemaya kiti banxi tinxinyira, ayo nun ayalagi waxan naba.

Sariye fu nun keren nde (11)

- 1. Xa sikɛnteya bara rasiga adamadi ndema fe kobi rabafe nde xunma, naxankatɛ yo mu daxa a bɛ sinden fo na fe yegi.
- 2. Mixi yo mulan axa makankan fendema naxan murotonxi boxi sariyee kui. Naxankete gbete fan mu doxo ama naxan dangi yi fera ba temui naxankatera.

Sariye fu nun firinde (12)

Birin nun a yetekan xafe rapereki nara. Mixi piya mu naxan yama. A na findi axa denbaya xafera, a lingira xa fera, xanamu a hayie xafera naxan a nipema axa xoreya nun a xa lasiriya nu mabere. Awayibiyaxi ibunadama be, sariye xa a xun magaga na fee ma.

Sariye fu nun saxannde (13)

- 1. Awayibixi mixi bε axa a sabatide sugandi anun axa μετε a sagora.
- 2. Adamadi birin noma kelide a baride a sa sabati boxi gbɛtɛ ma. A man gbilen xa ma gbilenfe.

Sariye fu nun naninde (14)

- 1. Xərə rəe kui, daxa adamadi birin be, axa siga bəxi gbete ma naxan nəma arasene de alako axa axun na kisi.
- 2. Na sariye daxa exa raba tinxinyi fari, kirae fari naxan aninema adamadi mulu tonege kui O.N.U. sariye tonyi doxi naxe ra.

Sariye fu nun sulinde (15)

- 1. Adaxa adamadi birin bε sɔtɔ de fe ya xa i mini a bε.
- 2. Ndende mu daxa ixa raton i soto de xa fera, xanamu iratonfe sotode masara fera.

Sariye fu nun senninde (16)

- 1. Xa gine nun xame bara suda kamali, adaxa e xa futi raso e tagi, na mufa sinoxoya ma, baride fema, xanamu dine fema. A man daxa e be, e yete xa denbaya rasabati. E man lan sariye kima futi kui nun futi galife kui.
- 2. Futi mu noma sode fo gine nun xame lan fe keren ma.

3. Nama xundɛ singe lanxi denbaya nan ma, adaxa na denbaya xun xa makanta nama nun mangasanyi yira.

Sariye fu nun solofere nde (17)

- 1. Mixi nalu a keren ma xanamu nama nde kui, awayibiya xi a sətəde xa lu a sago.
- 2. Funmalaya nde yo mulan axa adamadi sətəse yira.

Sariye fu nun soloma saxan nde (18)

Adamadi birin lan axa axa manoxunyi masen a sagora, a xaxili rawali, a so dine a sagora. Na sariyee noma a ninede adamadi dine masara, a noma denxeniya de a keren xanamu nama yama lonni nun namunyie sabura.

Sariye fu nun solomanani nde (19)

Adaxa adamadi birin be axa afondo fe masen. Nakui a mulan axa tɔpɛ mafixe nde sɔtɔ. Na fondo fe masenyi nɔmɔ rabade naninyi yo mulu ama, a fa findi xibaru fenfera, amasɔtɔfera, xanamu ara wundan fera kɛpa mɔli birin na.

Sariye moxenennde (20)

- 1. Adaxa adamadi birin be axa lan malanyi, xanamu malanyi xunde nde bope sa naxan kui.
- 2. Ndende mu karaxan ma sofera lanxundɛ nde yama.

Sariye moxenennun keren nde (21)

- 1. Adaxa adamadi birin niya xalu axa boxi ranerefe kui, a findi i yetera xanamu mixi gbete naxan sugandixi.
- 2. Adaxa adamadi birin be axa mangasanyi wali soto a bari boxi ma ta girasa yo mu naxe.
- 3. Nama waxonfe lanma axa masen sugandi tinxinxi kui, naxan nabama temui-temui ma, birin lan sugandi naxan kui, kundo sugandi xanamu sugandi lankene maya xi matexetenyi mu naxan kui.

Sariye moxonen nun firin nde (22)

Wayibiya nara pamane mixi birin xun xa makanta, na findixi daxamuife, doxoboreya nun lonni ratinme sabu nan na. Na fee birin fatanma boxi diexa duruxotoe nun xanunteya luti naxan na e nun boxi gbetee safera boxi yayilanki fari nun a daxamuie.

Sariye məxənen nun saxan nde (23)

- 1. Wali, nun mixi waxon wali sugandi fe wayibiya xi birin bɛ. Birin ma lan wali munafanyi kui, aman daxa a xun xa makanta wali sototareya ma.
- 2. Adaxa birin bɛ fisamanteya mu naxan yama, a mu sundi sɔtɔ axa wali bɛrɛ ma.
- 3. Ndende walima, awayibiyaxi a bɛ axa musundi sɔtɔ naxan nɔma axa denbaya bun tide, a yigi nun binyɛ sa ma, a man nɔ a malide sabu gbɛtɛe sɔtɔ fera naxan ibunadama xafe makanta ma.
- 4. Adaxa adamadi birin be axa walikee xa lanxunde nde yayilan e xa munafanyi xun magaga fera.

Sariye moxepen nun naninde (24)

Malabui nun naxe-naxe daxa adamadi birin be a man daxa a be axa wali temui xa sugandi, malabui waxatie xa lu a be a naxee sare sotoma.

Sariye moxepen nun suli nde (25)

- 1. Adaxa adamadi birin bε axa sabati sɔtɔ alako axa santeya xa makanta. A tan nun axa denbaya xa yiriwε sɔtɔ donse fe kima, sosefe, lingirafe, saribafe anun ibunadama xafe yayiba fe nax an fan a bε. A xun xa makanta xa bara fura, xa lanyuri bara a sɔtɔ, xa bara fori, xa muna walide, xa kanɛ ginɛ nora xanamu ferɛ yo muna ayi naxan axa mantɔrɔli bama.
- 2. Mali wayibiyaxi ne dingeya be nun dimediya be. Dimedi birin lan axa meni kena keren, a fa soto futi kui xanamu a fari ma.

Sariye moxenen nun seni nde (26)

- 1. Adamadi daxa axa matinxin; na matinxinyi daxa axa sa birin sago naxan findi dimedi xunxurie nun a matexie xaran fera. Xarande banxi xunde singe sofe findixi teku non na. Yamakota xaranyi nun yirawali xaranyi lanma axa rayiriwa. Lonni banxinde xungbe wayibiya xi birin be, birin nun a xaxili bere.
- 2. Lonni lan axa senbe fi adamayama amakenen, a senbe fi ibunadama xa wayibiyae ma. Alan, axa faxamui, di ne, marafanyi rasoneya namanee tagi, sie birin tagi, dine xundee tagi nun O.N.U. malanyi xa walie rasabati fe bone sa kui.
- 3. Adaxaxine di kanyie be e xa xuri sugandi e naxan fima e xadie ma.

Sariye moxenen nun solofere nde (27)

- 1. Adaxa adamadi birin be a so nama xa lonni yayibafe a yetera. Abelexe rawalie tone soto yamakota walie nun munafanyie naxe minima a kui.
- 2. Adaxa birin be axa xaxili rawali, a belexe rawali nun yamakata walie munafanyi xun magaga naxee yayilan fe fatanxi atan na.

Sariye moxenen nun solomasaxan nde (28)

Adaxa adamadi birin be axa a fondo rasiga yi sariyee ratinme fe xon pamane kui nun a farima.

Sariye moxenen nun solomanani nde (29)

- 1. Lanle rakamali daxi na ibunadama be axa nama kui, nama naxan findi axa adamaya a nun axa yeteralui sabura.
- 2. Sarieye dande saxine adamadi birin be axa maraba, a nun axa yeteralui rasabati kui, na nan anipema axa na maraba anun axa yeteralui mabanban sadoxofe mixi gbete ra alako taxasi nun yiriwe sabati ma pama kui kinaxe naxan a yete ra.
- 3. Na wayibiyae nun na yete ralui mu noma rabade muku O.N.U. waxonfe nun axa sariye saxie xanbi.

Sariye tongosaxan nde (30)

Sariyε nun wayibiya yo muna yi masenyi xungbe kui naxan kiraya nde masenxi namanε bε, malanyi xanamu mixi nde bε naxan aninεma axa kεwali nde raba naxan sabui noma mayibiya e nun sariyεe naxee masen xi nee xunnakanade.